

HYMN - CALON LÂN

Nid wy'n gofyn bywyd moethus
Aur y byd na'i berlau mân
Gofyn wyf am galon hapus
Calon onest, calon lân

Calon lân yn llawn daioni
Tecach yw na'r lili dlos
Dim ond calon lân all ganu
Canu'r dydd a chanu'r nos

Pe dymunwn olud bydol
Chwim adenydd iddo sydd
Golud calon lân, rinweddol
Yn dwyn bythol elw fydd

Calon lân yn llawn daioni
Tecach yw na'r lili dlos
Dim ond calon lân all ganu
Canu'r dydd a chanu'r nos

Hwyr a bore fy nymuniad
Esgyn ar adenydd cân
Ar i Dduw, er mwyn fy Ngheidwad
Roddi i mi galon lân

Calon lân yn llawn daioni
Tecach yw na'r lili dlos
Dim ond calon lân all ganu
Canu'r dydd a chanu'r nos

Dim ond calon lân all ganu
Canu'r dydd a chanu'r nos

Calon lân yn llawn daioni
Tecach yw na'r lili dlos
Dim ond calon lân all ganu
Canu'r dydd a chanu'r nos

HYMN - YMA O HYD

Dwyt ti'm yn cofio Maccsen
Does neb yn ei nabod o
Mae mil a chwe chant o flynyddoedd
Yn amser rhy hir i'r cof

Pan aeth Magnus Maximus o Gymru
Yn y flwyddyn 383
A'n gadael yn genedl gyfan
A heddiw, wele ni

Ry'n ni yma o hyd
Ry'n ni yma o hyd
Er gwaetha pawb a phopeth
Er gwaetha pawb a phopeth
Er gwaetha pawb a phopeth
Ry'n ni yma o hyd

Ry'n ni yma o hyd
Er gwaetha pawb a phopeth
Er gwaetha pawb a phopeth
Er gwaetha pawb a phopeth
Ry'n ni yma o hyd

Chwythed y gwynt o'r Dwyrain
Rhued y storm o'r môr
Hollted y mellt yr wybren
A gwaedded y daran, "encôr"

Llifed dagrau'r gwangalon
A llyfed y taeog y llawr
Er dued yw'r fagddu o'n cwmpas
Ry'n ni'n barod am doriad y wawr

Ry'n ni yma o hyd
Ry'n ni yma o hyd
Er gwaetha pawb a phopeth
Er gwaetha pawb a phopeth
Er gwaetha pawb a phopeth
Ry'n ni yma o hyd

Ry'n ni yma o hyd
Er gwaetha pawb a phopeth
Er gwaetha pawb a phopeth
Er gwaetha pawb a phopeth
Ry'n ni yma o hyd

Cofiwn i Facsen Wledig
A dael ein gwlad yn un darn
A bloeddiwn gerbron y gwledydd
Byddwn yma tan Ddydd y Farn

Er gwaetha pob Dic Siôn Dafydd
Er gwaetha 'rhen Fagi a'i chriw
Byddwn yma hyd ddiwedd amser
Bydd yr iaith Gymraeg yn fyw

Ry'n ni yma o hyd
Ry'n ni yma o hyd
Er gwaetha pawb a phopeth
Er gwaetha pawb a phopeth
Er gwaetha pawb a phopeth
Ry'n ni yma o hyd